



# علم طبيعت

اولقى حز



كاشغر شەھرىدە فوۋىن تانك نىيىنىك  
باسمە خانەسىدە باسپىلدى

۱۹۳۶

---



آدم

# آدم

آدم بدننى نينك باشلىق حصه لارى باش تن و اعضا لار دور.  
باشدا چوقا الدى جولا كىنى جولا و چكه لار بار دور.  
قندە بويون اوچا سينه قورساق باقىن لار يانباشلار مورە لار  
و اوشنه بار دور.

اعضالار يعنى قول پوت ايكيدين بولور.

قول بيلاك و پنجه بيلان تمام بولا دور. بيلاك جاينا كدين  
ايكيكا يعنى يوقارقى بيلاك و توبىنكى بيلاككا بولونادور.  
پنجهسى پنجه باغيشى الاقان و بارماق لار بيلان  
تمام بولور.

پوت يوقا پارچاق و پوت پنجهسى بيلان تمام  
بولور. پوت پنجهسى هوشوق باغيشى تاپان الاقان و  
بارماق لار بيلان تمام بولور.

باش و تن نينك ايچيده برنجه كواك لار بار دور. مشهور راقى  
مىنكه كواكى بورون توشوك لارى اغيز كواكى سينه  
كواكى و قورساق كواكى دور. سينه و قورساق  
كواكى نينك اراليقىدا كوشت دين بولغان بر پرده  
بار دور. انى معدە پىردەسى ايتتورمىيز.

## سونكاك لار ( استخوان ) .

آدم نينك بدنیده ایکی یوزدین زیاده سونكاك باردور .  
 بولار نينك همه سی نی قوشوب استخوان دیرلار . كچيك  
 بلانينك استخوانی نينك تولاراقی یومشاق بر نرسه دین عبارت  
 دور . اول نرسه نی کومالچك یا قراموچ دیرلار . كچيك  
 بلا اوسكانده کومالچكده اهك جنسیدین بولغان اوشاق دانه لار  
 پیدا بولوب تورادور . مونينك بیلان اول آهسته آهسته قاتیب  
 سونكاك بولادور . لیکن بعضی یرلار مثلاً بورون سونكاکی نينك  
 اوچی قولاق کومالچکی و کارناي اصلا قاتمايدور .

باش نينك سونكاك لاری ایکیکا بولونور یعنی  
 چناق سونكاك لاری و یوز سونكاك لاری . چناق  
 سونكاك لاری نينك الیدا پيشانده سونكاکی کینیده چوقا  
 سونكاك لاری بیلان کیندی جول سونكاکی و یانلاریدا  
 چکه سونكاك لاری باردور . کینی جول سونكاکی نينك  
 توشوکی ( کیندی جول توشوکی ) باردور . یوز سونكاك لاری  
 بورون سونكاك لاری قبوز یا که کچیات سونكاکی  
 یوقارقی بیلان توبینکی اینكاك سونكاك لاری دور . اینكاك  
 سونكاك لاریده تیشلار نينك جایی دور .

باش سونكاك لارى نىنك تولاسى بر برىكا محكم توتاشلىق  
 اوچون مېدىرلاماس . خاص توبنىكى اينىكاك نى مېدىرلاتقالى  
 بولادور . انىنك باغىشلارى چكە سونكاك لارىدە دور . انىنك  
 ايكى طرفىدە چكە سونكاك لارىداكى باغىش كواكىدە  
 تورادورغان باغىش تورومى باردور . باغىش تورومى بىلان  
 باغىش كواكى نىنك يوزلارى كومالچك بىلان قاپلاغلىق و  
 سېلىق دور . باغىش قاپى دىكان محكم پىكا اوخشە بر نرسە  
 بىلان باغىش نىنك چورەسىكا قاپلاغلىق دور . مذكور قاپ و بر نچە  
 پى لار و عضلە لار نىنك يارىلىق بىلان باغىش محكم تورادور .  
 باغىش نىنك ايچى ھىمىشە بلغم غە اوخشاش باغىش سويى  
 دىكان بر نرسە دىن ھول بولوب تورادور .

تن نىنك سونكاك لارى سىرت سونكاكى سىندە  
 سونكاك لارى اوشندە سونكاك لارى و يانباش  
 سونكاك لارى دور .

سىرت سونكاكى بر برى نىنك اوستىكا تىزىغلىق  
 بىلەم لار دىن پوتون بر سونكاك دىك بولوب دور . بىلەم لار نىنك  
 تولاسى نىنك اوتراسى توشوك دور ( يولون توشوكى ) .  
 ارقا طرفىدە عضلە لار توتاشماقنى اوچون پوتاق دىك نرسە لارى  
 بار دور . بىلەم لار نىنك توشوك لارى نىنك ھمەسى قوشولوب

بیولون نوری بولادور . اول کینی جولا توشو کی بیلان مینکه  
 کواکیکا قوشوغلوق دور . بلام لار بویون بلام لاری سینده  
 بلام لاری بد بلام لاری توفوز کوز بلام لاری  
 و قویروق بلام لاری دور . توغور بلام لار اراسییدا تخته  
 کومالچک لار باردور . مومینک اوچون سیرت ایکیملکولوک دور بدن  
 بر طرفیکا ایکیلسه کومالچک تخته لاری نینک شو طرفی نفیس  
 بولادور و ینه بر طرفی قالین تورادور . اوزونراق شونداغ  
 تورسه سیرت اکر و بولوب قالادور .

سینده سونکاک لاری توش سونکاکلی و یکر مه تورت  
 قابرغه سونکاکلی دور . توش اوکرا کدین قورساق کواکیغچه  
 اوزولغان بر یاپلاق سونکاک دور . قابرغه لار جفت جفت بولوب  
 سیرت کا توتاشلیق دور لار . یوقارقی لاری کومالچک بیلان توش  
 سونکاکیمکا هم توتاشلیق دور .

اوشنده سونکاک لاری دوله سونکاک لاری و اوکراک  
 سونکاک لاری یا که صوره سونکاک لاری دور . دوله سونکاک  
 لاری یعنی تارغاق لار یاپلاق دور . اولار سیرت سونکاکلی  
 بیلان سینه سونکاک لاریکا محکم عضله لار برله توتاشلیق دور .  
 اوکراک سونکاک لاری نینک بر اوچی توش سونکاکیمکا ینه بر  
 اوچی دوله سونکاکیمکا توتاشلیق دور . اوشنده سونکاک لاری

قول لار نينك بـ مـ ر كـ يـ كـ ان يـ مـ ر يـ دور .  
 يانباش سونكاك لاري هم توقوز كوز بلام لاريكا هم  
 بر بريكا محكم توتاشليق دور لار . اولار پوت سونكاك لاري نينك  
 بر كـ يـ كـ ان يـ ر يـ دور .

قول لار نينك سونكاك لاري بردين اوستون بيلاك  
 سونكاكي ايكيدين توبن بيلاك سونكاكي سكيزدين  
 پنجه باغيش سونكاكي بشدين الاقان سونكاكي اون  
 تورتدين يعنى باش بارماقيدا ايكيدين و قالغان بارماق لاردا  
 اوچدين بارماق سونكاكي دور . اوستون بيلاك نينك يوقارقى  
 باغيش دوله سونكاكي بيلان توتاشليق و توبنكى باغيشى توبن  
 بيلاك سونكاك لاري بيلان توتاشليق دور . توبن بيلاك نينك  
 ارقا طرفيدا كى سونكاكي نينك يوقارقى اوچىنى جيناك  
 ديرلار اول عضله كا توتاش يري دور و توبن بيلاك نى كينى  
 طرفيكا قاير يلىشدين توسادور .

پوت لار نينك سونكاك لاري بردين يوتا سونكاكي  
 ايكيدين پارچاق سونكاكي يتهدين هوشوق باغيش  
 سونكاكي بشدين پوت الاقان سونكاكي اون تورتدين  
 يعنى باش بارماقيدا ايكيدين و قالغان بارماق لاردا اوچدين  
 بارماق سونكاكي دور . يوتا سونكاكي نينك يوقارقى باغيشى



يانباش سونكاكى بيلان توتاشلىق و توبنىكى باغىشى پارچاق نىنك  
الدى سونكاكىكا توتاشلىق دور. تيز باغىشى نىنك اوستيده لپك  
ديكان سونكاك باردور. اول بر پى ايچيده تورادور. هوشوق  
باغىشى سونكاك لارى نىنك برى كىنى طرفكا چىقىب تورادور.  
اول تاپان سونكاكى دور.

استخوان بدن نىنك يوشاق يىرلارنى ساقلاماق و  
تورغوزماق اوچون دور.

## گوشت ياكه عضله لار .

بىز گوشت دىكانى تفتيش قىلىپ كوروب باقساق كورورمىز كه  
اول تولا جزءلار كا بولونكان دور. هر مونداغ جزئى عضله  
ديرلار. عضله لار نىنك تولا سى توم و مو كادىك ايكى طرفىكا  
اوچلانغان و پى برله سونكاككا توتاشلىق دور.  
عضله لار نىنك هر برى نهايت يىنكىچكا قزىل يىپىغه اوخشه  
نرسه لار دىن باغلانغان دور. عضله لار يىغىلغولوق دورلار.  
يىغىلغاندا قالىن و قاتىق بولادور. مونداغ بولغانىنى اوستون  
بىلاك نىنك اوستىداكى عضله كا قايلاساق كورامىز. اول عضله  
يىغىلىب قالىن و قاتىق بولغانى بيلان توبن بىلاك اوستون بىلاك  
طرفىكا يىغىلادور. عضله بوشاتىلماغونچە توبن بىلاك

سونیلا لایمایدور. اوستوندا کی عضلہ بوشاتیلماقی برلہ بیلاک  
سونیلا لایدور. بو حرکت اوستون بیلاک نینک استیدا کی  
عضلہ نینک ییغیلماقی برلہ بولادور.

پند: عضلہ لارنی حرکت کا کلتور ماک لازم دور  
بولماسہ سستلا شیب قالادور

### ترہ

تمام بدن ترہ بیلان قاپلا غلیق دور. ترہ ایکی قات دور یعنی  
تاش ترہ و ایچ ترہ.

تاش ترہ سویولسہ قان چیقما ییدور ہم اغریما ییدور. رنکی  
آق سریق قزیل ویا قرا بولادور. تاش ترہ یوپقا دور اما  
باسیلیب ایش بیلان اورونغان یرلاری قالین بولوب قالادور.  
تاش ترہ دین بر پارچہ سویوب الیب خردہ بیندہ کورساک  
اوشاق حساب سز دانہ لاردین عبارت بولغانی نی کورور میز.  
بودانہ لارنی سل لار ایتور میز. ترہ نینک ایچ طرفیدا کی سل لار  
یومشاق و یولاق اما تاش طرفیدا کی لار قاتیق و یاپلاق دور لار.  
تاش طرفیدا کی سل لار آہستہ آہستہ اوپر اب کیپیکلانیب  
توشوب کتادور. اولار نینک اور نیغہ ایچ طرفیدا کی یومشاق  
سل لار دائم یاریلیب تورغانی بیلان ینکی سل لار پیدا بولوب

آهسته آهسته تاش طرفيكا چيقيب توروب ياپلاق قاتيق بولورلار.  
 ايپچ تره تاش تره نينك استيدا توروب انينكدين قالين دور.  
 اول سل لاردين پيدا بولغان نہايت ينكيچكا ييب لاردين توقولغان  
 ديك دور. ( بدن نينك همه عضولارى مونداغ توقولمه لاردين  
 عبارت دور). ايپچ تره سويولسه قان چيقادور هم اغريدور.  
 تره ده تيرناق و توك لارى بار دور.

تيرناق لار بر بريك قاتيق چاپلاشقان تاش تره سل لاردين  
 عبارت دور. مذکور سل لار همیشه تيرناق نينك تويدين و استيدين  
 چيقيب تيرناققه قوشولوب تورادور. مونيک بيلان تيرناق همیشه  
 اوسوب اوزون و قالين بولوب تورادور.

توك لار تاپان بيلان الاقاندین باشقه بدن نينك همه يرلاریده  
 بار دور. اولار هم تيرناققه اوخشه تاش تره سل لاردين حاصل  
 بولوب تره ده بولغان چوقور راق يرلارده تورادور. اول  
 چوقورلار نينك تكيدين تاش تره سل لارى همیشه توك لار نينك  
 توب لارىكا قوشولوب تورغانی بيلان توك لار اوسوب تورادورلار.  
 ايپچ تره ده توك لار نينك يانيدا اوشاق بزلار بار دور. بولاردين  
 ياغ آيريليب چيقيب تره نی و توك لارنی يومشاق ساقلایدور.  
 آدم بدنی نينك ايپچ كواك لاریده هم تره بار دور. اول  
 تره داکي بزلاردين ياغ آيريلمايدور ليکن بلغم غه اوخشاش

بىر نىرسە چىقىپ تىرەنى ھول و سىلىق ساقلايدور.

## ھضم اسباب لارى.

ھضم اسباب لارى ھضم فورى بىلان انكا تعلق بىلار دور.  
ھضم فورى نىنك حصە لارى اغىز كواكى يوتقورلوق كال  
قېرىن و اوچماي دور.

اغىز كواكى نىنك اوستى تامغاق و استى قىل دور.  
تيل عضلە لار دىن عبارت بولور. انىنك اوچون حر كى ايتىك دور.  
تامغاق نىنك كىنى طرفىدە سانكولاب تورغان بىر پردە بار. انى  
تامغاق پىردەسى و اوچىنى كىچىك قىل دىرلار.

اغىز كواكىدە تىشلار تورادور. چونك آدم نىنك ھەر  
اينكا كىدە تور دىن اوتور تىش ايكىدىن بىر جك تىش  
و اوندىن ازىق قىش بار. اوتور تىشلار پانا صور تىدە دور  
بور جك تىشلارى اوچلوق و ازىق تىشلارى مودور چاق دور.  
تىشلار نىنك توبن طرفى اينكا نىنك ايچىدە دور و اوستون  
طرفى كورونوب تورادور. اينكا نىنك ايچىداكى ىرنى كوتك  
و اوستىداكى نى باش دىر مىز. تىش باشى ھىنا بىلان قاپلاغلىق  
دور. مىنا تىش نى اوپىراب كىتىش دىن ساقلايدور. انىنك ايچىدە  
قىش سونكاكى بار دور. تىش سونكاكى نىنك ايچىدە

تیش کواکی دیکان بر کواک بار دور. اول کواک ینکیچکا  
 مورلاری بار یومشاق و نهایت طویوشلوق بر نرسه دین تولغان دور.  
 پند: طعام یکاندین کین تیشلارنی پاکیزه  
 قیلماق لازم دور؛ بولماسه طعام نینک یوقی تیش  
 نینک اراسیدا قالیب ساسیب مینانی چوروتکانی  
 بیلان تیشقه اغریق پیدا قیلادور. اوچکه یا باشقه  
 قاتیق نرسه نی تیش بیلان چاقماق یخشی ایماس  
 چونکه مونیکن بیلان مینا اونکای یاریلیب کتادور.  
 یوتقولسوق نینک بر نچه توشوک لاری بار. بری الدی طرفیکا  
 ایکی سی یوقاری و ایکی سی استی طرفیکا دور. الدی طرفیداکی  
 توشوکی اغیزغه بارادور. یوقاری طرفیداکی توشوک لار بورون  
 توشوک لاریکا بارادور. استی طرفیداکی توشوک لار نینک بری  
 الیدا توروب کارنا یغه بارادور، ینه بری انینک ارقاسیدا توروب  
 کالغه بارادور. طعام ییب ایچیکانده بورون یغه بارادورغان توشوک  
 لار تامغاق پرده سی بیلان و کارنا یغه بارادورغان توشوک کارنا ی  
 قاپقوچی بیلان یاپیلادور.

کال تار بر نور دور. اول معده پرده سیده بار بر توشو کدین  
 اوتوب قورساق کواکیغه بارادور.

قرین هضم نوری نینک ککنروکان بر یری دور. اول

معدده پرده سی نینک استیدا چب طرفیکا تورادور.  
 اوچای یور کام یور کام اوزون بر نور دیک دور. اول چربه  
 یا که چاوه بیلان توتاشلیق اوچون چیکیلمای بر خیل تورادور.  
 اوچای اوچ حصه بولادور یعنی آچیق اوچای تاتلیق  
 اوچای و سونک. تاتلیق اوچای نینک خالتهغه اوخشاش بر  
 یری بار. انی کور اوچای دیرمیز.

هضم بزلاری بولاردور: اغیز توپروک بزلاری قرین  
 خلط بزلاری قورساق بزلی و جکر.

اغیز توپروک بزلاری اغیز کواکیده و یا انکا یقین یرده  
 تورادور. اولار اوشاق اوشاق خالتهدین عبارت بولوب  
 توپروک پیدا قیلادور. توپروک ینکیچیکا نورلار بیلان  
 چونکراق نورلارغه چیقیب اغیزغه کلادور.

قرین خلط بزلاری قرین نینک تره سی نینک ایچمیده  
 توروب آچیق سوزوک بر سو چیقارادورلار. انی قرین خلطی  
 دیرمیز.

جکر اوزی بر بز دور. اول معدده پرده سی نینک استیدا  
 اونک طرفیکادور. جکر دین اوت دیکان کوک و آچیق بر سو  
 چیقیب تورادور. اول اوت خالته سیغه بیغیلیب انینک دین  
 بر ینکیچیکا نور بیلان آچیق اوچایکا اوتادور.

قورساق توپروك بزى قرين نينك ارقا استيدا تورادور.  
 اول توزلوق و سوزوك سو چيقارادور. انى قورساق توپروكى  
 ديرمىز قورساق توپروكى هم بر نور بيلان آچيق اوچايكا اوتادور.  
 هضم يعنى طعام سينكماكى ديكان شونداغ  
 بولادور كه طعام نينك بعضى سى قانغه قوشولغوديك بر حالغه  
 كلادور. بوايش اغيز كوا كیده قريندا و هم اوچايدە بولادور.  
 طعام اغيزدا چايندايب توپروك بيلان ارالاشيب بر  
 يوتوم بولادور. اول يوتوم تيل نينك اوستيكا ييغليب  
 يوتولور. يوتولماق اغيز نينك تكيدهاكي عضله لار نينك ييغليب  
 يوتومنى كالغه قيسيب كيركوزماكي بيلان بولادور. يوتقاندا  
 كارناي نينك قاقوچى ياپيلا دور و يوتوم انينك اوستيدين اوتوب  
 كتادور. كشى يوتاردا كب قيلسه ويا كولسه كلرناي نينك  
 قاقوچى اچيلا دور و طعام كارنايغه كيريب كتادور. كال نينك  
 عضله لارى نينك ييغيلماسق بيلان يوتوم قيسيليب قرين نينك  
 يوقارقى اغزيدين اوتوب كيرادور. قرينغه كيركاندين كين طعام  
 قرين عضله لارى نينك حركتى برله يوغورولوب قرين خلطى  
 بيلان ارالاشيب سويوق بولادور. اندين قرين نينك توبنىكى  
 اغزيدين چيقيب آچيق اوچايكا اوتوب اندا قورساق توپروكى و  
 اوت بيلان ارالاشادور.

اغیز توپروکی قرین خلطی اوت بیلان قورساق توپروکی نینک تاثری بیلان طعام دین سوت دیک بر جوهر حاصل بولادور. انی کیلووس دیرلار. کیلووس نینک بعضی سی قرین بیلان آچیق اوچای نینک اوشاق تمورلاریغه کیریب قانغه ارالاشادور. بعضی سی قرین و آچیق اوچای نینک ایچی طرفیدین چیقادورغان کیلووس تمورلاری دیکان اوشاق تمورلاریغه اوتادور. بولار بیلان کیلووس سینده تموری دیکان چونک بر تمورغه بیغیلیب اندین قانغه کیریب انکا ارالاشادور. طعام نینک بدنکا یارامایدورغان نرسه لاری تاتلیق اوچایکا اندین سونکغه اوتوب بدنین چیقیب کتادور.

پند: طعام نینک قوتلیک و پات سینکادور غانلاریدین یماک یخشی دور. طعام نی پات سینکا دورغان و مزه لیک قیلماق اوچون انی اوبدان پشوروب توزو باشقه دارولارنی تنکشاب سالماق لازم دور. طعام نی یخشی چاینماق ☞ لازم دور؛ بولماسه بزلاردین چیقان خلطلار بیلان ارالاشمایدور هم اوبدان سینکمایدور. عرق بوزه و انداغ نرسه لار ایچماک بیلان هضمغه چونک ضرر بولادور. اوشاق بلالار هرکیز تماکو چکماسون.



## قان نى يوردورادورغان اسباب لار

قان نى يوردورادورغان اسباب لار يوراك و تيمورلاردور.  
 اولار نىنك ايچمده قان يوروب تورادور.  
 قان ايكي جزء دىن يعنى قان سويى و قان ذره لاريدىن  
 عبارت دور. قان سويى نىنك رنكى يوق دور؛ سوديك سوزوك دور.  
 قان ذره لارى نىنك بعضى سى قزىل بعضى سى آق دور. همه سى  
 نهايت اوشاق دور. قزىل لارى يمولاق ياپلاق آق لارى باشقه  
 باشقه صورت ده بولادور. آق لارى آزرارق دور شونداغ كه تورت  
 يوزى قزىل بولسه برى آق بولادور.

يوراك سینه كواكى نىنك الدى طرفيده دور. اول اوزى  
 يىغىلغولوق بر عضله دور. ايچى بر پرده بيلان ايكي بولمه كا يعنى  
 اونك بولمه سىكا و چب بولمه سىكا بولونادور. يوراك بولمه سى نىنك  
 هر برى بر پرده بيلان ايكي كلبه كا يعنى تاشقارقى كلبه كا  
 و ايچكاركى كلبه كا بولونادور. تاشقارقى كلبه لاردىن  
 ايچكاركى كلبه لارىكا اچىلادورغان بردىن توشوك بار.

تيمورلار اوچ قسم دور يعنى شىريان تيمورلار قىل تيمور  
 لار و ورىد تيمورلار.

شىريان تيمورلارى نىنك پوستى قالين و كىنكروب

يېغىلغولوق دور. اولار يوراك نىنك اچكاركى گلبه لار يدين  
 چيقادور لار. يوراك نىنك اونك طرفيداكى ايج گلبه سىدين چيقان  
 شريان ايكي شاخ بولوب اوپكالاركا باريب اندا يايىلادور. انى  
 اوپكا شريانى ديرميز. يوراك نىنك چب طرفيداكى ايج  
 گلبه سىدين چيقان شريان بر مونچه شاخ بولوب بدن نىنك همه  
 ير لاريكا باريب يايىلادور. انى بدن نىنك چونك شريانى  
 ديرميز.

قىل تمورلارى شريانلار نىنك كچيك شاخلارى دور.  
 اولار كوزكا كورونما كوديك ينكيچكادور و پوست لارى نهايت  
 نفيس دور. قىل تمورلار تيرناق بيلان ساچدين باشقه بدن نىنك  
 همه ير لار يده توروب ور يد تمورلارى نىنك ينكيچكا  
 شاخلار يغه قوشولادور.

ور يد تمورلارى نىنك پوستى نفيس و بوشراق دور. اولار  
 يوراك نىنك تاشقارقى گلبه لاريكا بارادور. اونك طرفيداكى  
 گلبه كا ايكي ور يد كيرادور. اولارنى يوقارقى و توبنكى كواك  
 تمورلارى ديرميز اولار نىنك شاخلارى بدن قىل تمورلار يغه  
 قوشولادور. يوراك نىنك چب طرفيداكى تاشقارقى گلبه سىكا  
 تورت ور يد كيرادور. اولارنى اوپكا ور يدلارى ديرميز.  
 اولار نىنك اوشاق شاخلارى اوپكا قىل تمورلارى دور.

قان نینک یوروشی . تیریکلیک اوچون قان نینک همیشه یوروب تورماقی لازم دور . بو ایش یوراک کلبه لاری نینک بیغیلماقی و کنکروماکی بیلان بولادور . قان نینک همیشه بر طرفکا یورماکی اوچون بر نچه یرده بر قسم یاپغوچلار باردور . یوراک نینک تاشقارقی بیلان ایچکارکی کلبه لاری نینک اراسیداکی یاپغوچلار ایچ طرفیکا اچیلادور . ایچ کلبه لار بیلان شریانلار نینک اراسیداکی یاپغوچلار شریانلار غه اچیلادور . ورید تمورلاری نینک بعضی سیده یوراک نینک تاشقارقی کلبه لاریکا اچیلادورغان یاپغوچلار باردور .

قان نینک یوروشی بودور : یوراک نینک اونک طرفیداکی تاشقارقی کلبه دین اونک طرفیداکی ایچکارکی کلبه کا اندین اوپکا شریانلاریغه اندین اوپکا قیل تمورلاریغه اندین اوپکا وریدلاریکا اندین یوراک نینک چب طرفیداکی تاشقارقی کلبه کا اندین چب طرفیداکی ایچکارکی کلبه کا اندین بدن نینک چونک شریانلاریغه اندین بدن نینک قیل تمورلاریغه اندین بدن نینک وریدلاریکا اندین ینه یوراک نینک اونک طرفیداکی تاشقارقی کلبه کا بارادور . قان نینک یوروشی شونداغ یلدام دور که بر دقیقه دین ازراق مدت ده بر چور کولوب بولادور . یوراک نینک ایچکارکی کلبه لاری هر بیغیلغانی بیلان قان شریانلار غه شونداغ ایتمیک مانکدوریلادور که

انينك حر كتي تپكانديك معلوم بولادور. اوسوشى توختاغان  
ساق آدم نينك تمورى بر دقيقه دا يتميشدين سكسن غچه سالادور.  
قيل تمورلار بيلان وریدلارده قان سيليق مانكادور. بر شريان  
كسيلسه قان ساچراب چيقادور ليكن بر قيل تمور ويا بر ورید  
كسيلسه قان آهسته سيليق آقوب چيقادور.

پند: بر تمور كسيلكان بولسه قاننى باشقه يول  
لار بيلان يوراككا مانكدورماق لازم دور. انينك  
اوجون كسيلكان يردنه تمورنى سونكاك طرفيكا باسماق  
بيلان قاننى توسارمىز. كسيلكان تمور بر شريان  
بولسه كسيلكان يرنينك يوراك طرفىنى قيسماق لازم  
بولادور (نمه ايشقه ?); اكر بر ورید كسيلكان بولسه  
زخم نينك اوزينى و بعضيده هم زخم نينك و بدن قيل  
تمورلارى نينك اراسىنى قيسماق لازم دور  
(نمه ايشقه ?). زخم ياره هر قانچه كچيك بولسه  
پاكيزه توتماق نهايت ضرور دور. بولماسه ضرر  
قيلادورغان نرسه لار قانغه كيريب انى بوزادور.  
دانه خوراك هر كيز قاشلانماسون.

تيني ق اسباب لارى.

تيني ق اسباب لارى كارناى و اوپكادور.

کارنای یوتقولوقدین اوپکا کا بارادور. یوقارق طرفی  
 کینکراک دور. انی کارنای باشی دیرلاره کارنای باشی نینک  
 ایچیده تورت نفیس عضله تورادور. اولار کارنای نینک ایکی  
 یانیغه تارتیغلیق دور. اولارنی آواز وئرلاری دیرمیز. وتر  
 لار نینک اراسیدا آواز یاروقی دیکن تار بر یاروق بار. اوپکادین  
 دم چیقار یلماقی بیلان وترلار تهرانیب آواز چیقارادور. کارنای  
 توبنده نفس تمورلاری دیکن ایکی نورغه بولونادور. نفس  
 تمورلاری اوپکالار کا باریب اندا یایمیلادور.

اوپکا ایکی بولوب یوراک نینک ایکی طرفیده تورادور. اولار  
 نفس تمورلاری نینک اوشاق شاخلاریدین و اولار نینک  
 اوچلاریدا کی نفس سئل لاریدین عبارت دور. نفس سئل  
 لاری نینک پوست لاریدا اوپکا قیل تمورلاری یاییغلیق دور.  
 اول قیل تمورلار اوپکا شریانلاری نینک اوشاق شاخملاری  
 بولوب اوپکا وریدلاریکا بارادور.

کارنای بیلان نفس تمورلاری حلقه حلقه کومالچکدین  
 عبارت دور. انینک اوچون یومولمای همیشه اوچوق تورادور.  
 اولار نینک ایچی توکلوک دور. اول نهایت اوشاق توك لاریرداکی  
 بغدادی باشلاری شمالدین یلمونوب تورغاندیک همیشه حرکت  
 ده دور. حرکتی اوپکا سئل لاری طرفیدین کارنای باشی طرفیکا

بولادور. مونينك بيلان تينغاندا هوا بيلان كيركان چانك و اوپكاده پيدا بولغان بلغم چيقاريلادور. اكر چانك تولا بولوب اغير بولسه توك لار نينك كوچى كينيك ياندورغالى يتمايدور و چانك اوپككا كيريب قونادور.

تينيش. آدم نينك تيريكليكي اوچون قانيدا هم ماده الحيات هم اكسجين ديكان بر قسم هو انينك حاضر بولماق لازم دور. يورا كدين قان بدن شريانلارى بيلان قيل تمورلار يغه چيقاريلغاندا مذكور ايكي نرسه دين اچيده تولا بار. اما قيل تمورلاردا قان تبديل تاپادور. اول ايش شونداغ بولور كه قاندين ماده الحيات و اكسجين بدن نينك سل لار يكا اوتادور و سل لاردين كمور حامضى (كمور ساسيقى) ديكان بر ضررليك هوا و هم بدنكا يارامايدورغان باشقه نرسه لار قانغه اوتادور. بو تكميشيلماكي بيلان قان نينك اصلى تبديل تاپادور و رنكى قراراق بولادور. قان نينك ينكوشلانماكي اوچون ينكى ماده الحيات و ينكى اكسجين لازم بولادور. كمور حامضى بيلان باشقه يارامايدورغان نرسه نينك چيقاريلماق هم ضرور دور. ماده الحيات قرين و اوچاي لار نينك قيل تمورلارى بيلان سينه تمور يدين قانغه اينادور. كمور حامضى و باشقه ضررليك نرسه لار اوپكاقمىل تمورلاريدا تينيش بيلان آيريلادور. قان يوراك نينك اونك

طرفیداکی ایچ کلبه سیدین اوپکا کا بارغاندا اوپکا قیل  
 تمورلاریدا و نفس سئلاریده بر تکیشیلماکامیک بولاردور که  
 قانداقن کمور حامضی نفس سئلاریکا اوتادور و نفس سئل  
 لاریدین اکسیجن قانغه اوتادور. بو تکیشیلماکی بیلان قانینه  
 اصلیکا او رولادور و رنگی قزیلراق بولادور.

اوپکا ده قانینک تکیشیلماکی اوچون نفس سئلاریداکی  
 هوانینک همیشه ینکیلانیب تورماقی ضرور دور. اول ایش دم  
 الماغلیق و دم چیقارماغلیق بیلان بولادور. دم الغاندا قابرغه لار  
 کیریلا دور و معده پرده سی توبنکا تارتیلا دور. انینک بیلان  
 سینه کواکی کنکرویدور نفس تمورلاری چونکراق اچیلادور  
 و اکسیجینی تولا بار هـوا نفس سئلاریکا کیریب اولارنی  
 کنکروتادور. دم چیقاریلغاندا قابرغه لار ینیلا دور لار و معده  
 پرده سی یوقاریغه تارتیلا دور. انینک بیلان سینه کواکی کچیکرک  
 بولادور نفس سئلاری قیسیلا دور و کور حامضیغه ارالاشیب  
 بوزولغان هوا چیقاریلا دور.

پند: ممکن بولغانچه پاکیزه هوا بیلان تینماق  
 ضرور دور. انینک اوچون تلادا ایش قیلماق فائده  
 لیتق دور اما هواسی بوزولغان توپا چانک بولغان اوی  
 لارده اولتورماق ضررلیک دور. آدم نینک اولتوروشی

و تورووشی سیننه نینک حرکتیکا دخل برکودیک  
بولماسون. بورون بیلان دم الماق یخشی دور چونکه  
بوروندا هوا ایسیب چانکدین پاکیزه بولادور.

## آیریمه اسباب لار.

آیریغوج اسباب لار اوپکالار تر بزلاری و بوراک لار دور لار.  
اوپکالار کمور حامضی بیلان سو هوری آیریم دور.  
تر بزلاری ایچ تره ایچیده دور. اولار نینک تاش طرفیکا  
اچیلادورغان توشوک لارینی تر مسم لاری دیرمیز. تر  
بزلاری نینک صورتی کچیک تموردیک دور. ایچ طرفی یپ  
توپیدیک یورکاشیمکلیک و اوستیده قیل تمور لار چیرماغلیق  
دور. اول تمور لاردا تر بولادورغان نرسه لار مثلاً سو یاغ  
و توز آیریلیب تر بزلاریکا اوتادور.

پند : بدن نی پات پات یوماق لازم؛ بولماسه تر  
مسم لاری بوشالغان تره سئلاری یاغ و چانکدین  
ایتیلیب قالادور و مونینک بیلان تر بزلاری عمل  
لارینی اوبدان قیلالمایدورلار. ایکین لارنی خصوصاً  
بدنکا یقین ایکین لارنی پاکیزه توتماق لازم بولادور.  
ایسیقدین سوغاققه و سوغاقدین ایسیققه بر یولی



اوتماك ضررلىك دور مەننك بىلان تەرنىنك  
چىقىشى تەسسالادور و بدن نىنك ايچىدە بلغم  
زىيادە پيدا بولادور. انىنك بىرلە زكام اون پوتماكى  
يوتال و باشقە كسللار عارض بولادور.

بوراك لار ايكي بولوب قورساق كواكى نىنك كىنى طرفىدە  
سېرت نىنك ايكي يانيدا تورا دور. چونكلوقى موشت دىك و  
صورتى لوبىادىك دور. اولار قىل تەمورلار بىلان يور كاشىكلىك  
حساب سز اوشاق تەمورغە اوخشاش نورا لار دىن عبارت دور.  
اول نورا لارنى بوراك تەمورلارى دىرلار. مذكور قىل تەمورلاردا  
قاندىن آىرىلادورغان نرسەلار آىرىلىب دوبە ساققە يىغىلىب اندىن  
بدندىن چىقادور.

## عصبه تەرتىبى.

عصبه تەرتىبى مەننكە يولون و عصبەلار يعنى اق تەمورلار  
دىن تەرتىبات دور.

مەننكە يوشاق بولوب ايكي نرسەدىن عبارت دور.  
برى نىنك رنكى بوز دور و عصبە سللار دىن عبارت دور.  
ىنە برى نىنك رنكى اق بولوب عصبە يىپلار دىن عبارت  
دور. مەننكە نىنك يوقارقى حصەسى نى چونك مەننكە دىر مېز.

انينك يوزى كده كده يور كوما دور. يور كومالارنى مينكه  
كده لارى ديرميز. مينكه نينك تونكى حصه سى نى كچچيك  
مينكه ديرميز. انينك كده لارى يوق دور.

يولون اوزون بر طنابديك دور. مينكه دين كينى جولا  
توشوكى بيلان اوتوب يولون نورينى تولدوروب تورادور. يولون  
هم رنكى بوز عصبه سللاريدين و رنكى آق عصبه ييب لاريدين  
عبارت دور.

عصبه لار مينكه بيلان يولون دين ايكيدين ايكيدين چيقيب  
بدن نينك همه يرلار يكا شاخ شاخ بولوب ياييلادور. مينكه دين  
بوراق عصبه لارى كورماك عصبه لارى انكلاماق عصبه  
لارى تاتيق عصبه لارى اورونوق معلوماتى عصبه  
لارى و ينه بر نچه عصبه چيقادور.

## طويماغليق

بارماق اوچى بر قوم دانه سيمكا تكسه تره ايچيده ياييغليق  
اوشاق عصبه لار مينكه كاخبر برادور؛ مونينك بيلان قوم دانه سى  
نينك بارايىق طويولور.

بر نمه نى قسم قسم طريقه بيلان طويغالى بولادور.  
اورونماغليق تاتيماغليق بوراماغليق انكلاماغليق

يا كورما كليليك برله طويولور. بو بش قسم طويماغليقنى  
حواس خمسە ظاهىرة و اولارينىك اسبابلارنى حواس  
اسبابلارنى دىرلار.

اورونوق معلوماتى نىك اسبابى تىرادور. ايچ  
ترە دە اورونوق معلوماتى عصبەلارنى يايغلىق دور. بر  
ترە كا قول تىكوز. اك ترە برله عصبەلارنىك اوچلارغە  
تأثير تىرادور و عصبەلار برله مەكە كا خىر بىر يىلادور. انىك  
برله تونقان ترە نىك ايسىق، سوغاق، سىلىق بىر كايكى  
بىز كا معلوم بولادور. ترە نى نىس و عصبەلارنى نولا  
بولغان بىرلار دە مثلا: تىل اوچى و تاماق اوچلار بىدا  
اورونوق معلوماتى ايتىكراق دور.

قاتىق نىنك اسبابى قىلدىنىك تىرلاسى دور.  
قاتىق عصبەلارنى اول بىردىن مېنكە كا بارادور. قىند، نور  
و انداغ ترەلار اغىزغە كىرسە قاتىق عصبەلارغە تأثير  
قىلادور. و اول عصبەلار برله مېنكە كا خىر تىرادور. اول  
وقت قاتىقنى بىلامىز.

بوزاق نىنك اسبابى بىرون ايچىداكى قىرە  
دور. شونىنكىدىن بوزاق عصبەلارنى مېنكە كا بارادور.  
نوراغلىق ترەلار بىن كوروما كودىك نىسەيت اوشاق

دانه لار آریلبیپ هواغه ساچیلیب کتادور. تینفاندا بولار نینک  
بعضی سی هوا بیلان بورونغه کیریپ بوراق عصبه لاریغه تاثیر  
قیلادور. عصبه لار برله مینکه کا خبر یئادور. اینک بیلان  
بویسی نی بیلامیز.

انکلاماق نینک اسبابی قولاق دور. اینک تاشی  
قولاق و قولاق توشوکی دور. اوتراسی نی دومبداق  
کواکی دیرمیز. اول دومبداق پیرنسی دیکان بر پرده بیلان  
قولاق توشوکیدین آریلور و بمولاق پینجیره بیلان  
سوقاچاق پینجیره دیکان ایکی پرده بیلان قولاق ایچیدین  
آریلور لیکن قولاق کارنایی دیکان بر نور بیلان بوتقولوقه  
قوشولادور. دومبداق کواکیده انکلاماق سونکاکلاری  
دیکان اوچ کچیک سونکاک باردور. اولار نینک بری بواقه بری  
سندل وینه بری ایزانکوغه اوخشاغانی اوچون اولار نی بواقه  
سندل و ایزانکو دیرمیز. بواقه دومبداق پرده سیکا توشاق  
دور. ایچ قولاقدا پوست لاری نفس ایکی خالته چک ( پرده  
خالته چکی ) باردور. یوقارق خالته چک نینک اوچ خالته نوری  
باردور. توبنکی خالته چک نینک صدقه دیکان بور کامابک بر  
نوری هم باردور. مذکور خالته چک لار قورام سونکاک  
دیکان سونکاک نینک ایچیده تورادور. خالته چک لار نینک ایچی

بیلان چوره سی یعنی ایچ قولاق نینک همه سی -- و ماده بیلان  
 تولا غلیق دور. خالته چک لار نینک پوست لاریدا مخصوصاً صدقه  
 ده انکلاق عصبه نینک اوشاق شاخلاری یاییغلیق دور. بر سه  
 دین آواز چیقسه اول بر سه اوزی تبرانیب تورادور. اول  
 تبرانیما کلبک هوا بیلان باریب دومباق پرده سی می مدیر لاتادور  
 دومباق پرده سی بواقه نی مدیر لاتادور بواقه سندل می مدیر لاتا  
 دور سندل ایزانکونی و ایزانکو سوقاچاق پنجره نی مدیر لاتا  
 دور و سوقاچاق پنجره قولاق ایچبدکی سوماده نی مدیر لاتا  
 دور. اول وقت انکلاق عصبه لاری برله مینکه کا خبر بتادور.  
 و بیز اوازی انکلا میز.

کوروک نینک اسبابی کوز دور. اول کوز چناقیدا  
 سولا غلیق قولاق بر توب دور. انکا بوتاشلیق عضله لار نینک  
 یاریلیقی بیلان حرکت قیلنولوق دور. کوز یاش بیلان هول  
 و پاکیزه ساقلا تادور. یاش کوز نینک الدی طرفیده بار یاش  
 بزیلین چیقیب کوز بولوب اچیلماقی برله بوین طرفیه کا  
 کلب اندا بار بر توشوک بیلان بوروبنه کیرادور.

کوز نینک ایچی ایکی کلبه کا بولونکان دور. کچیکی می  
 الدی کلبه و چون کراقی می کینمی کلبه دیر میز. الدی  
 کلبه نینک الدی طرفی کنبزدیک بولوب شیشه دیک صاف و

سوزوك دور. انى كوز قىرئىدەسى دىرمىز. الدى ككابه نىنك  
 كىنى طرفىدە يولاق ورنكلىك بر پردە بار. انىنك رنكى كوك  
 بوز، سارغىش و يا قرا بولادور. اول پردەنى كوز قىزجىدەسى  
 دىرمىز. انىنك اوترا سىدا بر توشوك بار انى كوز قىراقى دىرلار.  
 كوز قىزجىدەسى نىنك بر موچە نىھىت كچىك عضلە لارى بار.  
 كوز قىزجىدەسى نى اليب انىب تىمور پردەسى كورونىس-ون دىب  
 كوز اقى دىكان پوستى كىسب اچىب دور. توپىدە كوز  
 قىزجىدەسى بىلان قىراقى و تونىدە كوروك عضبە كورونادور.  
 اولار نىنك بعضىسى تىمور بولوب كوز قىزجىدەسى نىنك اوترا  
 سىدىن چىقىپ چت لارىكا اوزولغان دور و بعضىسى حلقە  
 دور. ياروغ از بولسە تىمور عضلە لار يىفيلادور. مونسىنك بىلان  
 كوز قىراقى كىنكروىدور و تولاراق ياروغ كوز كا كىرادور.  
 ياروغ تولا بولسە حلقەلىق عضلە يىفيلادور. مونسىنك بىلان كوز  
 قىراقى تار بولادور. و ياروغ زىادە كىرمايدور. كوز كىنى ككابه  
 سى نىنك پوستى اوچ قات دور. تاش قاتى اقى و قاتىق دور. انى  
 كوز اقى دىرلار. اوترا قاتى نىنك رنكى قىرادور. انداقان تىمور  
 لارى يايىغلىق دور. انىنك اوچون اول قاتى تىمور پىردەسى  
 دىرمىز. ايچ قاندا كوروك عضبە لارى توردىك يايىغلىق دور.  
 انىنك اوچون اول قاتى تىمور پىردەسى دىرمىز. كوز

قریہ سی کوز اقیغہ توتاشلیق و کوز قزحیہ سی تور پردہ سی کا  
توتاشلیق دور. کوز قزحیہ سی نینک ارقاید شیشہ دیک  
سوزوک و ایچیدہ سودیک بر ۴۴ میلان تولاغلیق یولاغراق  
بر نرسہ تورادور. انی کوز جامی دیرمیز. بعضی آدم نینک کوز  
جامیدا بر کسل پیدا بولادور. اول کسل میلان کوز جامی غبار  
بولادور. انداغ بولغاندا کوز نینک پردہ سی بار دیرلار. کوز  
نینک الدی کابہ سی سوزوک سودیک بر نرسہ میلان و کینی  
کابہ سی لانکی پوننه اوخشاش سوزوک بر ۴۴ میلان توفان دور.  
کورماکلیک اوچون یاروغ کوز کا کیریب کوروک عصبہ سیغہ  
تاثیر قیلماقی لازم دور. مسذکور عصبہ میلان تاثیر مییکا کا  
یتادور.

اورونوق معلوماتی عصبہ لاری، تاتیق عصبہ لاری،  
بوراق عصبہ لاری، انکلاق عصبہ لاری و کوروک عصبہ لاری  
نینک همه سی نی قوشوب طویوق عصبہ لاری دیرمیز. اولار  
نینک همه سی میلان تاثیر تاشقاریدین ایچکاریکا مینکه  
کا بارادور.

## حرکت

بر قول نی حرکت کا کلتوساک اول ایش عضله نینک

یغیلماقی برله قیلینادور. عضله نینک یغیلماقی بر عصبه انکا  
یتکوزکان تاثیر بیلان بولادور. بیز قولی مدیرلاتقالی  
خواهلاغان همان مینکه دین خبر بر بولادور. اول خبر عصبه  
برله عضله کا یتادور. و عضله یغیلماقی قولی مدیرلاتادور.  
انداغ مینکه دین تاشقاریفه تاثیر یتکوزادورغان عصبه لار  
نی حرکت عصبه لاری دیرمیز.

پند: اورونوق معلوماتی عصبه لارینی  
چیداشلیق قیلماق اوچون بدن نی پات پات  
ایسیغلیقی یاز کونی نینک سوییدیک سودا یوماق  
و اوشوق انکین کیمای هواسی پاکیزه بولغان  
یرلارده توروماق یخشی دور. بلالار ناس تماکو  
چکماسون چونکه انینک برله تاتیق و بوزاق  
قوت لاری بوزولادور. بدنکا باشقه ضررلار هم  
یتکوزولور. قولاق توشو کیده کیر یغیلماقی قالماسون  
چونکه انکا چانک قونغانی بیلان انکلاق قوتی  
سسنلاشادور. بر نرسه قولاققه کیریب قالغان  
بولسه انی اوچلوق اسباب بیلان کورلاماق  
یخشی ایماس چونکه مونینک بیلان دروماق  
پرده سیکا اسان دخل یتادور. کوزنی چانک و



توتوندين ساقلاماق لازم دور. ياروق از بولغان  
 وقتدا يندكچككه ايش مثلاً خط اوقوش و  
 پتوش و يا تيكيش قيلماق كوزكا ضرر ليك دور.  
 شونداغ ايش قيلمغاندا ايشنى كوزكا يقين توتوب  
 قيلماغلىق هم يخشى ايماس چونكه كشى نينك  
 انداغ قيلمغانى انكا پات عادت بولوب قالادور.  
 اندين كين يراغراقداكىنى اوچوق  
 كورالمایدور.

عصه ترتیبی تولا ایشلار برله اسان سستلاشا  
 دور. مثلاً اویقوسزلیق و انسزلیك ضرر قیلادور.  
 لیکن مخصوصاً عرق و انداغ نرسه ایچماکلیك  
 و افیون، نشه چکماکلیك و زنا بوزوقچیلیق  
 نهایت ضرر لیك دور. افینك اوچون شونداغ  
 ایشلار دین احتیاط قيلماق تولا ضرور دور.







